


Un publico grandi a bay apoya e candidatanan
Dana Arendsz eligi como
Reina Hubenil di Carnaval 60
SAC lo paga mas o menos 50 mil florin na premio
entre e ganadonan



Desde e oranan di trempan di diabierna atardi, por a cuminsa sinti e energia y entusiasmo di e fanaticonan di e 7 Reinanan Hubenil den Aruba Entertainment Center. Expectativa semper ta halto, mirando cu cada aña e eleccion aki, t'esun cu tin mas competencia y e candidata tur ta fuerte di cuminsamento te fin. Mas laat den anochi, Aruba a cera conoci cu su di 51 Reina Hubenil, cu a keda den candidata Dana Arendsz representando T.O.B. Carnival Group.

E anochi a resulta uno hopi exitoso y cada candidata a haci nan best, representando nan grupo. E evento a cuminsa cu un bunita apertura unda cu cada candidata a trece 5 fanatico pa haci un



flash-mop conhuntamente cu Youth in Action bao direccion di Juffrouw Debrah hunto cu Janick de Palm. Despues cada candidata a presenta nan mes na publico na publico y na un

panel di hurado.

Durante eleccion di Reina Hubenil tabatin presentacion tambe di Jada Mejia, Calypso Queen Hubenil, Franzienne Vos, Tumberito Hubenil y Roadmarch King "King Size". E Resultado di diferente premionan ta: Como "Queen Mass", "Mas Popular", "Best Speech" y Reina Hubenil a bay pa Dana Arendsz. Como e 1st Runner up a eligi Lynn Xenne Angela, mientras cu e premio di "Best Show" y 2nd Runner up a bay pa Gabriella Croes representando e distrito di Oranjestad.

SAC ta gradici cada candidata, grupo, e huradonan y e publico presente, pa nan sosten y apoya durante e anochi aki y

felicita tur reina y nan grupo cu nan resultado y participacion. Alabes SAC ta gradici tur su sponsornan: Setar N.V - Aruba Bank - Island Asia Store - Trash By Ronchi - Revlon - Romar Trading - Renaissance - Aruba Tourism Authority - PWC - WEB Aruba N.V - Insel Air - Balashi - Compra N.V - Tec INC. - J.H. YEE'S Asain Bistro - D Shop - Pelican Adventures - Super

Shopping - Geekay Department Store - Maggy's y The Mill Resort, ya cu danki na nan sosten, e eleccion di Reina Hubenil di Aruba un biaha mas tabata un gran exito.

Pa mas informacion di SAC y di tur evento di carnaval, subi Facebook, riba e pagina facebook.com/stichtingarubaansecarnaval.